

開禧德安守城錄

德安守城錄



批 德壽宮三千石更不供納遂申中書省照會

辛巳延和起居從 駕過 德壽宮行第九虞祭

癸未祔廟前三日不坐入局



甲申陰延和起居畢呈擬到 思陵祔廟禮畢德壽

條目內獻地人潛畝乞推恩 上望見便記予前

日之奏云今紹興府保明一名与助教又呈將來

明事臨安府申明差軍兵脩治道路等若車駕不

出則明降指揮免更差人 上曰旧例都不出從



駕過 德壽宮行率哭祭不哭奉慰而已

乙酉大雨都堂致齋未日 高<sup>宗</sup>禘<sup>宗</sup>也諸司給百

官早晚食

丙戌驟晴 駕過 德壽宮奉辭虞主王相為礼仪

使內侍押班楊皓主官用以仗迎入太廟幄次

皇太子文武百官相向立于大廟候 高宗神主

及 宣帝皇后神主入門就行祔謁恩平郡王璩

初獻嗣濮王士欽亞獻滎陽郡王伯圭終獻祀畢

諸 德壽宮進名奉慰 皇太后次 詣文德殿門

外進名奉慰 皇帝 皇后內批付三省樞密院

朕昨降指揮欲<sup>衰</sup>經三年緣群臣屢清御殿易服

故以布素視事內殿虽有候過祔廟勉從所請之

詔照稽諸礼典心實未安行之終制乃為近古宜

体至意勿復有請

丁亥周忌行香歇泊假賜左相銀絹三百疋西以昨

日完礼仪使也 顯仁祔廟例乃賜金器又賜題



神主字文价銀絹三十疋兩行事官劉國瑞六疋  
蓋只作侍選官一節次而已卿監以下行至者同  
各得二十疋兩

戊子延和奏事呈臨安開樂依 顯仁例令候百官

純吉吹 上初疑未有期且依手奏旧例惟外路恐已

開雞再行下 上曰然又奏昨奉內批勿請御殿

易吹仰見圣孝但三衛環衛久不侍殿陛下理未

安 上曰曰過宮自頻不照令就內殿侍立亦可外

廷已見詔旨否奏即皆見之謂宜令有司因此內  
批條具合行事件商量 上曰甚好夜宣李獻鎖

學士院草附廟畢臨安紹興二府德音

己丑文德殿聽宣德音紹興二十九年 顯仁故事

偶缺參政右相代押制左相及拒密皆不至昨晚  
予同行首司乃誤謂宰執皆往是詰之無辭正謂  
當時偶是右相往遂听之

庚寅延和奏事乘東官先升殿致詞再拜同以祔廟後



辭免參決也予奏禮部缺官莫差人推否 上曰  
祔廟後尤衰當迂因問有何缺予奏遵正說禮部  
上曰既有季問便當除用張体仁亦當迂王相云  
黃黼是太常丞亦當迂 上曰錦等可擬末殿中  
侍御史冷必光對一論配享功臣不必再議批依  
奏

辛卯內門開批出尤衰權禮侍既至延和呈昨日蒙  
御批付下 德壽宮推賞文字予奏前此虽蒙

聖諭欲分等第必 高宗殿為第一等 太后殿  
為第二等之類臣再思之 太后萬壽無疆推恩  
未艾若与 高<sup>宗</sup>等殿併言之則似有礙莫若只推  
本殿應奉人恩數內免泛濫避忌 上大以為然  
予問 高宗殿名 上曰只是德壽殿 太后是  
康壽殿 上初欲指揮中說 高宗升祔予謂上  
是應奉人難當此名 上曰止云德壽殿自分明  
矣呈太常寺申許士庶婚嫁 上曰不作樂否予



奉元降指揮已許祔廟後嫁娶近緣未用樂恐都  
城以百官未徙吉服為疑故諭太常申明云其間  
云不用花綵禁樂可知 上因言昨日諭冷世光  
洪邁雖是輕率楊万里未免浮躁二樞因拗口稱  
昨日令罷再議配享甚當此四人中外皆稱之其  
詞殊云云上因此不然万里指鹿為馬及侍從數  
人附其議之語予曰西去之足矣予又奏 憲節  
皇后祔 高宗室有親姑慶國夫人年八十欲得  
加西字如賢壽之類 上曰此封兩國如 皇太  
后姊妹皆曾封又歷奉數人予曰秦檜事亦當封  
况 憲節之姑乎又親姪三人尚是白丁皆曾進  
狀未敢進呈姑令勘當今欲共補官 上曰當如  
此因稱戚里如孟忠厚刑孝揚皆可重王相猶欲  
經由部中 上曰不須

癸巳伯圭朝辭前日已賜史浩田第又問 皇太后  
亦賜金玉錦綺



甲午翰林司申今日面奉 圣旨本司官吏供御人  
昨輪差赴 德寿宮宿直日下並免宿直又密白  
睿思殿祇候吳思忠蘇大椿張祖並轉歸吏部依  
例免參在京宮觀免奉朝請其請給寺並依李必  
良例支破特免借減就用旧曆批勘皆 高宗御  
前人也

五月丙申朔

丁酉歇泊不出<sup>坐</sup>入局曉批出令臨安府及轉運司办

木植材料準備蓋 太后<sup>忌</sup>其錢令戶部支上供者

仍令計會備內司指引

戊戌國忌行香午後御前封禱敕似文字付王相送  
入奏乞罷改迂出江下

己亥延和坐是日御批王相奏札云可除觀文殿大  
孝士判衢州止于一押而已諫議大夫謝謨上殿  
三劄一乞用剛方之士 上曰只一袁杲已著不  
得二乞詔諸路振濟三乞放兩浙賑罰寺錢



庚子端午節感風臥家久無梅雨兩日方得露濡夜  
鎖院

辛丑後破謝時歎延和奏事文德破宣麻王淮除大  
觀文判衢州

壬寅早不坐午時倚柱奏事初都大主官所申審甘  
昇劉慶祖內侍合于人轉官第二等列卷吏于其  
間予詰之吐其实云恐徽駁耳予詰之云汝堂吏  
而自附于內諸司之後不亦辱乎至是將上奏云  
堂吏當俟諸司諸使推恩一就取者今乞貼去  
上曰止是礼工房乎予曰提点亦在焉况与總護  
司所差人吏又不相涉上乃令貼去予因奏伯  
圭用總護使吳益益忠厚例合轉一官上曰少  
傳予又奏蕭燧充按行使用万俟卨例亦合轉兩  
官緣旧例附廟後一月方將上所以少待予奏今  
年合慶節不止虜中慶礼否上曰不須只依止  
旦可也



丁未延和奏事呈 永思陵攢宮共費八十二万余  
緡 上曰內庫支銀絹尚在外去冬印會子七十  
万僅可充此費又曰 德壽宮諸色人俸給今已  
省十万緡

己酉延和奏事趙汝愚奏牒秦州人為 太上皇帝  
裹白紙巾乞付史館 上曰字不感動 德壽殿  
應奉人各轉一官資內王寔張宗尹並與轉左武  
大夫裴良琮特轉遙郡防禦使符滌王公昌霍汝  
翼吳思忠並轉遙郡團練使盧安仁特與帶遙郡  
刺史吳因特轉武顯大夫廊安仁特轉武略大夫  
合寄資人依旧寄資張延年孟居寔張師孟曹穎  
巖浩梁祐張鑄潘郵楊處厚劉彥並依條回授內  
有各目人更與添差占射一次白身人吏候有名  
目許作一官資收使指揮使李顯等七百四人令  
吏部折支銀絹其支破本宮清給等六十四人內  
吳安民李符各減二年磨勘餘人並與設一次



康成駕不出 皇后過 德壽宮治具

壬子延和奏事呈太史擇御後殿日分 上令用二

十七日 御批張杓召赴行在

丙辰延和奏事從 駕過 德壽宮以天申節也

庚申延和奏事呈禮官申請明堂畫一上曰配位如

何予奏 太祖 太宗並配必儒因孝經嚴父之

說使謂宗祀當以考配殊不知周公並攝政而王

考則成王自周公言之故曰嚴父耳晉紀瞻荅秀

才策曰周制明堂所以宗其配以配上帝故漢武

明堂舍文景而以遠高祖為配此其證也 本朝

名儒范鎮司馬光李泰伯呂海等往往亦奉者講

說之誤是以淳熙三年臣在翰苑草明堂赦云惟

周成宗祀洛中陽配于文王惟漢武合祀汶上推

嚴于高帝皆用親郊之禮具殫尊祖之誠蓋為是

也若 高宗服除之後以中興之功異時明堂却

獲配坐未晚 上曰既有典故自可無疑



壬戌早雨初御後殿 上服如旧御倚子不用朱紅  
而以黃其後照壁旧畫就今以黃羅蒙之駕坐引  
班禁衛自贊不鳴鞭不声長嗟唱拜皆如駕出之  
儀而不全用常時御後殿之制也

六月甲寅朔

己巳後殿坐呈高宗攢官應办推恩于是知臨安府  
韓亮質轉一官浙東提刑廷望亦然予奏己是武  
功大夫 上令於廷局上轉予又奏葉翥等皆復

元官張杓虽除正侍郎亦有前年未復兩官 上  
笑曰是失火時耶又呈浙漕趙不流合進取 上  
令進二等又奏沼典二十九年浙東提奉不預  
徽宗攢官却有例 上曰田渭魯振濟乃与直秘  
閣總護司官吏推恩一百七十八人按行使司二  
十八人吳回若用沼典二十九年例却緣衛茂實  
別項轉官所以按行使副不曾推恩乃用 徽宗  
攢官例轉兩官頓進司二十八人洪運六轉一官



修奉司一百三十三人工部官吏四十一人臨安  
府官吏二十一人紹興府一百四十四人御史臺  
九人西浙運副下四十二人三省諸房各咸三年  
磨勘

癸酉後殿坐從

駕返

德壽官初賜從

駕臣僚

食如故

癸未後殿坐呈國史院脩祀朔史今欲正名改作實

錄院專修

高宗實錄却候書成別護國史于是

修國史官並改實錄院稱呼又奏昨準御批因

高宗朕制欲降指揮官軍知閣環衛御帶却統制

許朕繫金帶余文武官隨其官品

上曰朕以繫

帶者滿庭故欲稍厘正之副却統如何予奏今諸

軍有不除却統處副帥便是主者恐須與統制官

有分別上曰此指揮行統制自不應繫中人云

帥副不多當不較此上曰更待與卿等往商量

然後降旨予曰今廷臣莫未許佩吉否若許繫須



合礼官啟清 上曰不必礼官朕既未安则群  
臣自難便吉帶也

甲申後殿坐呈尤衰乞哀 高宗御集及立閣名于

秦依典故只合令實錄院哀集昨日方定置實錄  
院今當作直音行又閣名須候旬日令丙制或礼  
官定 上曰此非礼官事予曰舍是奈士舍人

丁亥上遣御藥黃邁來問殿用折上巾布礼每平輦  
過宮无害否予奏此即冠帶院以御殿則乘輦自

无妨盖累日大暑道遙子热故也从駕過宮即回  
辛卯後殿坐呈張杓乞留攢宮剩錢五万昏米数千

石應列本府予奏王希吕不到酒令可以措畫

上曰亦有脩造營<sup>屋</sup>等贊乃許之又呈荐江義和

黃由沈煥翁子中戴圍之 上令籍記予奏由是

狀元莫侯滿時先召 上令侯滿内引舍国扣謝

使副京鐘刘端仁其回書云頃聞凶讎想極悲傷

馳遣使車往為吊祭在叔姪情當如是于国家理



亦宜之復致函書備陳謝悃念方罹于夏暑冀少  
節于哀悼鐘等初過界接伴使康元弼琮里仲通  
將至汴鐘等告哀遺留使已不聽樂簪花今披謝  
乃是一事來時 皇帝尚布素豈敢便逆言礼丙  
日間七次以幅紙徃議并傳示二三十次元弼等  
不许鐘等以死拒之知不可奪乃多留汴京七日  
接伴遣人走馬取旨得批許免過赴宴而行既至  
燕京臨行館伴使副徐鐸徒單魁遣人略問橫使  
礼何為同常使鐘等答以但銜命而來不預茲事  
若已 上以是深嘉鐘連日議所以旌節云

壬辰後殿坐呈京鐘劉端仁奉使回轉官 上令依  
例却待批超擢語說將命批礼及不屈之語予奏  
批礼則義在中其似難更說不屈 上曰只將京鐘  
將命批礼可嘉今是何官可除侍從否中人云係  
檢止旧例過從官者甚多尋批出京鐘云云可除  
權工部侍郎予云劉端仁如何 上曰全是京鐘



如端仁乃毛遂所謂公等因人成事者也苗參云  
除閤門祇候之類亦可予奏不若環衛官其人物  
亦可取上曰是將家否予曰同其父為兵官  
上乃令密樞院擬除苗參又荐固信所掌儀能也  
開甲軍樞截赴宴之人予曰是田愿苗參乞其轉  
官上許之

七月乙未朔

己亥後殿坐西呈禮部太常寺申將來高宗小祥

禁屠宰予奏列聖故事并禁音樂緣今未臨安  
元未開樂想外路民間亦未用若依典故行下却  
恐放行已諭禮部換文字云除樂禁未開外合禁  
屠宰蓋去年十月禮官只依典故申禁樂日限畫  
旨並依今却暗中指揮尔上曰三年過密乃  
合古制

壬寅倚挂奏事中官頻言曾得旨內引依旧用紫衫  
既而又云續已得旨且涼衫呈皇太后生辰令



西上庫抽办銀三万兩金五百兩宣諭京體執禮  
北方恐將來會慶節使人却欲茶酒之類宜令禮  
官預商量

癸卯後殿坐呈禮部申主事皇甫琮乞依紹興三十  
年推恩轉一官予奏契勘得當時依太常寺推恩  
今次偶不該載 上曰有例即与又奏尤袤等議  
聖節人使禮數三兩日可申 上曰禮官只討論  
禮文若謀漠予則决在錦等運籌帷幄之中

乙巳後殿坐文臣侍從武臣現察使以上起居盖用  
新制也

戊申不御後殿就延和奏事 上宣諭早來竟腹痛  
畏冷至附火旧不如此緣徑夏患予奏更乞加意  
調攝 上曰此不調攝又宣諭未日過宣天涼早  
間依旧奏事

己酉後殿坐先降指揮 高宗宣臬薛皆以大為名  
至是呈學士院後省所定享大庙酌献以大为



名裕饗大廟以大勳為名並從之從 駕過宮即  
回

辛亥後殿坐間賀生辰人使到闕事予奏前已得旨  
只是討論礼文其他在朝廷

壬子後殿坐呈礼部供令慶節人使礼数事見与太  
常寺商議予奏是只三兩日同昨早 上禮密院  
去年不見賀生辰使独出朕忘錦等無一人以為  
然

乙卯後殿坐呈礼部指定温州興慶寺乞永崇奉  
高宗道場予奏此事在温之江心 高宗嘗駐蹕  
有御榻焉同頃年地震屋宇傾摧独御榻安恙  
今別無希望止乞崇奉香火 上嗟異久之

丁巳後殿坐呈鄭僑奏乞除明堂大祀涉事神費用  
兼外其他如鹽洗升降係 圣躬者皆後而不作  
上初謂不須予奏 本朝皆权宜僑見 陛下行  
三年之喪遂欲稍復古制乞令礼官詳議以聞



上許之呈札官具將來人使賀生辰劄子奏  
祖宗時例上壽惟元祐止引見使人不會上壽至  
紹興三十年則高宗用淡黃袍黑帶行礼上  
曰既有典故自可免又曰上壽之礼為重自不當  
行又宣諭再三此全在共相及大臣任責予奏所  
以削上壽典故而專指元祐臣之意可見矣上  
曰虜使若堅請鄉等能任此責否予曰既許入見  
且受其書彼之礼畢矣上壽是自家事不過隨百  
官班拜殿于庭奉觴致詞一無所預彼何事批  
上曰朕試鄉等耳

己未雷雨後殿坐三省拒密院同奏昨日連準御批  
议定將來會慶節虜使堅欲上壽時如何臣等灼  
知彼心不固挑盖是自家事尔上曰不然彼若  
言大金皇帝令來上壽則何以應之朕思量累日  
而未得其說鄉等勿以為易更審思之予遂奏當  
遵 聖訓既而又對密院申言之



八月甲子朔

乙丑後殿坐從 駕過 德壽宮

戊辰後殿坐御延和三省同樞密院奏淮南漕司申  
明將來會慶節人使從從依旧用青紫幃幔從之  
上宣諭 皇太后宮名如何慈寧甚好予奏 本  
朝典故咸平号万安殿治平号慈壽殿熙寧号宝  
慈宮宝慈殿紹興則曰慈寧 上曰元來却要互  
各易得重疊莫只用宮名否予奏殿名与宮名同

乞令孝士院後省同礼官擬定取 旨 上曰其  
已已以腰痛不御後殿延和奏事礼官議到却係奏

明堂用樂事乞降神奠玉幣捧俎酌獻換嘉徽豆

送神依典禮作樂外所有 皇帝三獻盥洗登降

行步等樂備而不作 上曰已適中矣 上又宣

諭議人使上壽事予奏彼必不計决無可疑設使

有言自當折之以理 上復云卿等須把定不可

臨時有所避予奏臣等共以為此豈容推避為非



求釁決意所爭只望宣諭館伴及國信所人勿令  
漏言 上曰彼安肯爾將來如何收拾既退又以  
御筆未回

庚午廷和奉事同呈差接伴說昨日再奉手筆及人  
使爭執事臣等保其不然 上曰卿等肯任責甚  
善予奏此外或計較他事則在臨時 上曰其難  
預料

乙亥後殿坐 上又及上壽事云卿等虽肯任責或  
臺諫侍從有文字卿等又須搖動先令集議如何  
予奏此事臣等已灼然無疑若更令集議却恐引  
惹紛々凡國家大事謀之帷幄之中有不必詢中  
者苟中議未當寧以身為去就豈可曲徇此也尋  
常臺諫侍從所論無大利害之事遂免勉之從也  
上再三稱獎卿等能任責如此國之幸也  
庚寅大雨後殿坐奏取到禮官狀大禮畢雖依紹興  
例免稱賀有拜表一節合申明降指揮並免庶



凡可以示後世上極以為此

辛卯徵兩尚書省受明堂大祀誓戒

壬辰五使就貢按雅樂

九月甲午朔早赴明堂殿習儀畢就行檢視琮器文  
具而已

乙未後殿坐 上御吉服朱紅倚及儀衛等並用吉

禮

甲寅晴後殿坐同密院呈李璪等擬定 皇太后殿

以慈福坤壽為名予奏慈福為佳 上極稱善又

呈元祐初<sup>與</sup>就節群臣及遼使詣東上閤門拜表

稱賀罷上壽賜宴不作樂今年會慶節已降指揮

免上壽拜表既<sup>雜</sup>稱賀又不立<sup>與</sup>慈福欲就東上閤門

拜表起居若此使欲來則令同赴唐几 陛下之

圣孝臣子之誠心兩合于禮 上又稱善以為名

正言順

辛酉後殿坐呈禮官申 高宗小祥依典故前後五



日不視事 上曰典故如此耶初予密奏國初三  
日不視事自 仁宗已後皆五日紹興初以軍興  
徽宗小祥只三日前日有司誤用近例乞批出依  
典故五日 上止令有司申請是日正謝明堂加  
合賜衣帶鞍馬予率中人先入奏辭免以衣束  
此吉帶佩鞍韉皆以所宜 上批依正四拜于庭  
而退

十月癸亥朔朝于後殿年例特賜錦一疋左帑帑支

一疋今歲皆叔停同三批改榻前謝加恩許衣帶  
鞍馬西拜從 駕過宮即歸

乙丑不視朝赴 高宗几筵殿設黃籬道場拈香而  
退

丁卯晴不視朝文臣叔侍郎武臣現察使宗室防禦  
使以上並赴 高宗几筵前行奠醑禮

戊辰晴不視朝群臣赴 高宗几筵殿如昨日之儀  
己巳不視朝群臣赴几筵殿如昨日



庚午高宗小祥自後殿從駕過德壽宮祀畢奉

憫而退百官就仙林寺設位行香

己卯後殿坐閤門奏末日密院滿散賜香合舞蹈有

旨權免

癸未早自北門入赴岳拱殿東幄兩拜起居訖升殿

侍立引見生辰使中奉大夫禮部尚書王克溫廣

威將軍容省使元顏璉國書曰寒風初屆律正上

冬良月就盈祥開誕日爰遣皇華之使徃敷慶幣

之儀尚介壽祺用堅盟信禮物北珠五顆餘同常

儀初授書璉不動克溫直造榻前璉連青方大

使、蓋不欲其大前也退至閤門璉頗責克溫、

甚窘云有天地或謂璉曰自是副使不魯奉足稍

前非大使之罪乃已賜茶如正旦之儀黃拒押宴

比使辭以無例不敢受許之

甲申會慶節免過黎明文武百官並詣東上閤門拜

表起居自紹興十三年拜表皆在殿下至是始正



其儀次詣明慶寺滿散祝聖道場中使宋以賜香  
用密院已得指揮免蹈舞苗參入駟押宴

乙酉不坐不入局王津射弓正使王克溫第一箭中  
的不肯再射第二次伴射荆萬館伴副使刘忠方  
中

丙戌隆聖節假虜使辭就駟花宴從之

庚寅早垂拱東編引人使朝辭賜茶如始至國書云  
誕期甫屆惟深罔極之思信駟遠臨特荷永照之

好函書載啓以幣是將沐勅意以交孚傍披章以  
祇達冀因述叙稱見感歲季楸揆蕭參押宴御前令  
承受闕德常論羅點過位特賜副使元顏琥銀一  
千兩金一百兩以甚去年至此不受支賜也

辛卯旬休人使出門

十一月壬辰朔

丙申未時內引金國賀正使鄭僑張世脩朝辭

戊戌後殿坐呈

高宗御書岡名後省季士院礼部



太常寺共擬煥章賁文典文衆以煥章是堯事  
上以為然予奏典故當降詔

壬寅慈福殿立木間御前及太后賜知省劉慶祖  
知臨安趙不流浙漕耿秉銀絹有差

丙辰冬至帝朝于後殿從駕逆德壽宮中行

禮畢輔臣至叔侍郎官軍宗室止任並赴九筵

殿行饒奠之禮新降指揮也尋從駕回脩內司

提轄符思永傳旨小樞門裡儀鸞司比營寨屋並

交割付脩內司其寨內見任人兵却併歸東南西

宮居住已而儀鸞司申空閑間架數少人匠無可

居住又令轉運司火急計會儀鸞司于東營添蓋

二十余間及重行脩蓋

十二月壬戌朔

壬申後殿坐引昨差鄧嗣宗趙不慢館伴賀正人使

予密奏虜使田老舉極知書紀道間范成大充泛

使着舉接待說話通情合宜擇知古今者為館伴



至是 上宣諭令于錦監內別選人予因奏老奉  
去年在路引 高宗升遐泣于駟中 上曰畢竟  
是中原人既而具昂中以上姓名繳入  
御筆点  
諸葛廷瑞

癸酉不坐入局謀報虜中制曰朕惟熙宗孝成皇帝  
以武元嫡孫受文烈顧命作其在位十有五年偃  
兵息民中外乂安而海陵庶人亮包藏奸心覬覦  
神器陰煽奸黨遂成篡逆而又厚加誣詆降逆于

封亮既得志肆其凶殘不道之極至于殺母人怨  
神怒自底誅滅惟皇天眷佑于我家肆子一人攢  
承先緒暴其罪惡貽為庶人仍黜其殛于北域之  
外仰惟熙宗位号宜正是以問者稽合礼文升禱  
太室復加美謚尊而宗之惟是葬非其所盖嘗惟  
然爰有命司卜地消日奉迁梓宮已於十月初八  
日備礼葬于思陵庶几有以慰在天之灵也布告  
中外咸使闻知故兹詔示想宜知悉大定二十八



年十二月下。熙宗即薨也。予嘗奏高宗陵各相

祀上以為難改

己卯後殿坐提奉備內司劉慶祖申契勘本司恭奉  
聖旨指揮展套備蓋慈福宮殿壺門廊等屋宇大  
小計二百七十四間內殿門三間朱紅門二扇板  
壁八扇椽牆浮既釘裝釘朱紅柱木頭頂真色裝  
造甍瓦結瓦安立鸞鴝方博地面門外打花鋪砌  
慢地正殿五間梁殿二間各深五丈內心間潤一  
丈次間各潤一丈八尺柱高丈五尺平基枋朱  
頂板裏外顯五輔上下界真色暈嵌裝飾頭頂甍  
瓦結瓦安立鸞鴝方博地面朱紅柱木窻隔板壁  
週回明窻等青石壓欄石礎踏道打花鋪砌甍墀  
殿上安設翫屏風殿後通過三間隨殿制作裝飾  
其碌刷柱并寢殿五間拱屋二間瓦涼棚五間並  
是真色暈嵌裝飾造黑漆退光柱木窻隔板壁週  
回明窻等頭頂甍瓦結瓦方博地面後殿五間拱



屋二間真色裝造碌漆寔隔板壁里漆退光柱木  
週回明寔等頭頂板瓦結尾方磚地面次後樓子  
五間上下層並係青碌裝造里漆寔隔板壁鵝梯  
週回避風簷等碌油柱木頭頂甌瓦結尾方磚地  
面打花鋪砌湧路花臺正殿前後廊屋共九十四  
間各深二丈七尺潤一丈二尺柱高一丈五寸真  
色金線解碌裝造頭頂板瓦結尾方磚地面內殿  
前廊屋係朱紅柱木寔搗破後碌油柱木里漆全  
漆寔搗板壁前後明寔裝折閣子庫務等并素白  
椽木側堂二座各三間龜頭一間黑漆寔隔并明  
寔等破厨及內人互六十六間官廳直舍外庫等  
屋六十五間大門一座三間中門隔門二座各一  
間深潤不等並係草色裝飾凡紅并黑油柱木安  
卓寔隔板壁等板瓦結尾磚砌地面及諸更磚砌  
路道牆壁黃羅青羅額道并疎煥簾共一百五間  
礮石鉤條結子全及諸起安卓並係礮石裝射景



事并承降下御書慈福之宮慈福之殿八字及臣  
御名恭八六字製造青地金字朱紅漆牌二面前  
項生活並于今月十八日一切畢工並于當日掛  
牌了當

庚辰國忌行香內外館伴使副諸酋廷瑞趙不慢朝  
辭宣諭云王正己接排殊不禮使人司甚不平鄉  
宜還其禮數後聞正己在盱台比引接等未參待  
之不甚恭又無山惠山分位幙次日例客居中位  
正己不以為然必為還者所奏也

戊子大風而晴垂拱殿東楹坐引比使中奉大夫吏  
部尚書田卷奉副使廣威將軍戶部郎中耶律仲  
方朝見國書云獻歲祭春式屬亨嘉之會順時講  
好益敦信睦之風爰遣使車往敷慶幣方屆新陽  
之序茂膺多福之宜

庚寅節候人使游天竺

淳熙十六年己酉



正月壬辰朔陰朝于後殿從駕過德壽宮次詣

高宗几筵前祀如冬至之儀內批皇太后遷慈

福宮令大史擇日是日微雨

甲午晴人使觀潮

乙未陰雨開基節假人使射弓

丙申冷清華閣奏事呈大史局選定太后遷慈福

宮宜用十五日 上令以提舉所又令季士院撰

御前表文并文武百寮占進表密院呈北虜十一

月十九日大赦云朕自臨御以來夙寤辰興未嘗

不以憂勞萬民為心故稅賦常慮其不均刑罰常

慮其不省民財常慮其不阜錢幣常慮其不通民

間租稅多逋豈或有被冤滯者乎一遇水旱或有

貧不自給而仰食于賑濟貸者官庫宿負或有貧

無以入而庸自于官役者朕甚憫焉宜推曠澤以

示深仁可大赦天下自大定二十八年十二月十

九日昧爽以前自雜犯死罪以下已結正未結正



已發竟未發竟咸赦除之於戲理寬詰而贖國窮  
惟帝王之茂德沛利澤而崇寬大實尺地之深恩  
用恢仁壽之風以導和平之氣迨爾有車休于至  
懷赦書日行五百里敢以赦前事相告言者以其  
罪、之主者施行虜中非有大事不肆赦今次特  
寬疑舊王病也

丁酉晴 上先御後帷引送伴使副王正己等次御  
岳拱東楹人使朝辭賜茶如儀回書曰人正肇啓  
感安序之再更使傳來臨識信盟之益固祇承書  
惠兼致幣將佩礼意以惟深錫謝誠而敢後悃悃  
是達銘篆奚勝李獻文也

戊戌晴人日假內引賀金國生辰使副河澹戴勳朝  
辭回書曰季春應律方茂暢于陽和稱月播祥式  
誕膺于福祉肅馳信驛祇錫慶緘備陳不腆之儀  
申滄無窮之好永綏壽屐垂副頌言

丙午後殿起居從 駕過 德壽宮是日 皇太后



過慈福宮上進表一通文武百僚六奉表起居  
駕先回 皇后留至申時方歸三省樞密院吏各  
得數百千

庚戌後殿坐呈何澹劄子如虜累有故禮物分付<sub>與</sub>  
否澹劄辭時欲持回予以為不可既進呈因奏為  
問節僑條例無 本朝嘉祐有故事 上乃許隨  
宜斟酌施行

辛亥旬休時清華閣奏事宣諭二府朕衰老不得日

奉 高宗凡延且于 太后定省有缺旬日間當  
內禫中人唯 上令留身予呈二月二日詔少  
并詔具三十二年六月奉 上曰此見來因讀所  
擬者至奉 几筵及 圣母定省等語 上再三  
言切當予奏乞就二月一日未後付出 上曰朕  
當親寫付三省樞密院又指詔未云此便書 皇  
太子可即皇帝位字予奏只錄詔典例臣不敢寫  
此數字其下却當云故茲札示想宜知悉 上曰



不必云軍國事並所嗣君如分否予奏此為時誤  
本不合如此 上曰其他禮數付之後人盱台申  
對境膜帝皆用青傳虜主正月一日卒

壬子後破坐進呈畢奏虜王之狀 上曰待此機會  
十五年矣

癸丑駕不出入局盱台扣葛王正月二日薨遺詔太  
孫璠樞前即位權殲壽安宮

丙辰後破坐午時清華內破奏事呈万壽宮不惟  
魏

太武有之宣和未廢神霄玉清萬壽宮亦當避夜  
來思之重華宮名甚好中皆稱善 上曰樞切當  
但恐不敢當尔又呈尊号須如至尊然後繼以壽  
皇仁帝 上曰已過當皆以所宜朕却意擇采人  
疑拆用皇帝二字欲作壽仁皇帝 上謂壽皇便  
可稱呼

二月辛酉朔陰雨清華閣奏事予初清 上與太子  
同過 重華宮今日 上疑無三輩予奏記得有



兩列 上曰其一曾送 高宗邁越州予奏如此  
則 陛下系道遙而太子以輦遊行却人瞻望尤  
美矣 上乃定又商量中宮稱謂予欲冠以重華  
或至尊 上皆未以為然已而 上之尊号方許  
用聖字且曰慈福太后依旧稱壽聖皇太后正好  
惟中宮亦可連一壽字過擬壽隆壽昌壽成三字  
御筆點壽成

壬戌稍晴親批出立太子妃李氏為皇后已而倒伏  
設宮架桌而不作 上吉服御紫宸殿鳴鞭不十  
呼先閣門次三衛次群臣皆四拜宰批升殿予奏  
欲于禪位詔後添入朕當稱御重華宮七字又奏  
陛下万壽康寧筵位與子古今盛典再見 本朝  
中外同慶臣等輔政無狀自此不得日侍 天顏  
無任依忘退至隔門再追班傳詔拜舞訖復追班  
入殿 新皇帝側立群臣拜舞如儀二府升殿  
上猶未坐內侍清弗听予與諸公側立固請 上